

կաթուղիկոսութեան և Պատրիարքութեան Երուսաղէմի ,  
 և հաս անդ Մարտիրոս վարդապետ թագաւորական հրա-  
 մանաւ , եւ 'ի բաց վարեալ անախ զեղիազար , կալաւ ըզ-  
 Պատրիարքութիւն տեղւոյն . և եղիազար գնացեալ նստաւ  
 'ի Ռեմէլէ առ ժամանակ մի , և երբեմն յԱրզնի :

Եւ քանզի միաբանք Ս . Յակոբայ չէին հաւան ընդ Մար-  
 տիրոս վարդապետ , և զի տակաւին կենդանի էր ծերու-  
 նին Աստուածատուր , ծախեալ դրամս ինչ՝ ընկալան 'ի  
 Դրանէ հրաման վասն Պատրիարքութեան նորա , և յայն-  
 ժամ Մարտիրոս կարգեցաւ իբր փոխանորդ նորա : Տեսեալ  
 ժողովրդոց զայսպիսի անպատեհ և զվնասակար դործս և-  
 կեղեցականաց ոմանց՝ և զցաւալի վիճակ Աթոռոյն Երու-  
 սաղէմի՝ ժողովեալ ամենեցուն 'ի մի վայր , մատուցին գիր  
 աղաչանաց առ Եպարքոսն 'ի բանակն Արքունի , բողոք բար-  
 ձեալ զանիրաւութենէ ոմանց , որք առիթ եղեն անկար-  
 դութեան և վրդովման աթոռոյն Երուսաղէմի . զի Պատ-  
 րիարգունք այնր աթոռոյ ցկեանս զահակալէին . եւ  
 մինչչեւ էր վախճանեալ միոյն , չէր օրէն տալ այլում զիշ-  
 խանութիւնն զայն : Իսկ այժմ վարդապետք Պարսկաստա-  
 նի և այլք ոմանք , ստութեամբ եւ խաբէյութեամբ հա-  
 նեալ հրովարտակ յԱրքունուստ , գիմեն յերուսաղէմ եւ  
 խորխտան 'ի վերայ միաբանաց , թէ ահա ունինք հրովար-  
 տակս և եմք իշխանս և խնամակալ վանօրէից և եկեղեցեաց  
 կալուածոց եւ ամենայն գոյից Երուսաղէմի : Զի նախնիք  
 մեր զկալուածս և զամենայն կարասիս եկեղեցեացն այնո-  
 ցիկ , զորս տուեալ են յաւուրց անտի Արքային Սէլիմայ ,  
 են հայթայթանք սլարենից աղքատաց : Իսկ նոքա բռնու-  
 թեամբ յափշտակեալ զայնս , վատենն և կորուսանեն ըստ  
 կամաց իւրեանց , և յանցանելն նոցա քան զչափ , ծանրա-  
 նան տոկոսաւոր սլարտք 'ի վերայ աղքատաց : Եւ նոցա ե-  
 դեալ 'ի գրաւի զկալուածս եւ զկարասիս վանաց , խոյս  
 տուեալ փախչին անտի , և սլարտատեարք կալեալ զմիաբանս  
 նեղութեամբ և տաղնապստ պահանջեն 'ի նոցանէ զբրաւ-  
 սըն ցուցանելով զմուրհակսն կնքեալ կնքով վանաց , թէ  
 դուք ունիք հատուցանել զայնս : Եւ ապա աղերս արկեալ  
 խնդրեն հրովարտակաւ բառնալ զանկարգութիւնն զայն .  
 զի Պատրիարքունք Երուսաղէմի մի իշխեսցեն միւսէլ զձեռս